



**2022-imi akileraarutitigut ilanngaatisat il.il. imatut  
angissusilerneqarnissaannik Inatsisartut aalajangiiffigisassaattut siunnersuut:**

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoq.....kr. 10.000 (ukiumut)**
- 3. Aningaasarsiat B-t akileraaruteqaataasussaangitsut...kr. 5.000 (ukiumut)**
- 4. Killilimmik akileraartussaataasunut ilanngaat.....kr. 1.000 (ukiumut)**
- 5. Kommuninut ataatsimut akileraarut.....6%**

(Aningaasaqarnermut Nunamullu imminermut Naalakkersuisoq)

## **Siullermeerneqarnera**

2022-mi akileraarutitigut ilanngaatisat il.il. angissusilerneqarnissaannik Inatsisartut aalajangiiffigisassaattut siunnersuut Aningaasaqarnermut Nunamullu imminermut Naalakkersuisup Naalakkersuisut sinnerlugit saqqummiusnaanut Naleqqamiit imatut oqaaseqaateqassaagut.

Naalakkersuisut siunnersuutigaat 2022-imi akileraarutitigut ilanngaatisat il.il. 2021-mut sanilliullugit allannguuteqartinnagit taamaaginnassasut siunnersuummi saqqummiuppaat.

Aningaasaqarnermut Nunamullu imminermut Naalakkersuisup saqqumminnermini oqariartuutigisaa Naalakkersuisut akileraartarnermut suliassaqaqfimmi inuuniarnikkut atugarissaarnerulernissamut ilapittuutaasumik aaqqissuusseqqinissaq sulariniarlugu aammalu ilangullugu isumaginninnermut suliassaqaqfimmi ineqarnermullu suliassaqaqfimmi aaqqissuusseqqinnissamik oqariartuutaat ilassilluarparput Naleqqamillu suleqataaffiginissarput qilanaarlugu oqaatigissavarput.

Taamatut oqaaseqarluta aappassaaniinginnerani Aningaasaqarnermut Akileraartarnermullu ataatsimiititaliami eqqartorneqarluni nalilersorluarlugu sularineqarnissaa Naleqqamiit innersuussutigaarput ataatsimiititaliamilu ilaasortat sulilluarnissaannik kissaallutigit.